



山西通志卷第二十七

會修輯

山西巡撫都察院右副都御史臣覺羅石麟奉

山川

保德州

蓮花山在州南一里自高地峻五十餘里至下流磧復起至大塢墩分五支東一支爲東廓山西一支爲西廓山支麓胥臨黃河中一支至小塢墩又分三小支入城 環保德皆山在東南者自河曲界高地峻山暨岢嵐界岢嵐山發脉在西南者亦自岢嵐山來逶迤相屬隨地異名 鳳凰山在城內一名鐵山

馬頭山在州東二十里

鷹窩山在州東六十里

石門山在鷹窩嶺下峭崖峻壁巍如削出兩勢相鬪呀然成  
谷疊石爲岸跨岸爲橋

窩弓山在州東六十里

壇帽山在州東六十里審屹臺山半有石洞容千人

翠峯山在州東八十里形似覆斗林茂巒秀爲州鎮山

獅子山在州東南二十里下流磧

孤山在州東南三十里全家坪

郝家嶺在州東南三十里

劉家山在州東南五十里

黃龍山在州東南六十里

倒座山在州東南六十里

堂子山在州東南六十里有石洞容六十人

袁家山在州東南七十里

赤山在州東南八十里山多楓霜後胥赤

土門山在州東南八十里

賀家山在州東南九十里

栢山在州東南百里

潘家山在州東南百里

桑林山在州東南百里

蒼水山在州東南百二十里水色黝

銀爐山在州南十里井兒窰村

寨山在州南三十里

羊頭山在州南四十里

峯子嶺在州南五十里卽小塢墩

石門山在州南六十里大塔鋪

麥子山在州南七十里石洞

楊家嶺在州南九十里

伊山在州南百里土人傳爲伊尹寓此

王家嶺在州南百里

黃金山在州西南六十里

禪師崖棧在州西南六十里崖半有石洞

黑石崖棧在州西南七十里石洞深杳莫測燃松炬入二三十里輒聞水聲洞外山半石徑上聳蒼崖下臨黃河袤二十

里

神山在州西南八十里

花花崖在州西南八十里

野人山在州西南九十里

黨家嶺在州西南九十里

韓家嶺在州西南九十里

木瓜崖在城西後木瓜產絕崖下卽宋呂惠卿屯田地與河

北木瓜園對望

飛龍山在州東北十里康家灣

觀音峁在州東北十里

出炭

逍遙山在州東北二十里一名腰莊

出鐵器

石梯山在州東北二十里

天橋峽在州東北三十五里冬月積冰成橋土人呼爲天橋

水經注滴水左合一水出善無縣故城西南八十里其水

西流歷于呂梁之山而爲呂梁洪其巖層岫衍澗曲崖深  
巨石崇竦壁立千仞河流激蕩濤湧波襄雷洊雲洩震天  
動地昔呂梁未闢河出孟門之上蓋大禹所闢以通河也  
司馬彪曰呂梁在離石縣西今於縣西歷山尋河乃無遏  
咀至是乃爲河之巨險卽古呂梁矣在離石北以東可二  
百有餘里按道元紀里惟天橋峽可當之雖指不敢定殆  
昧壁立千仞之爲形擬辭也又謂平魯西有呂梁山亦未  
覈閭百詩謂天橋去離石四百餘里此又忘古離石山當  
繇今臨縣赤壁嶺北計里不當繇永寧州治計里也 峽  
石上鐫字云治平元年甲辰冬十一月望 缺張巡河至此  
餘胥剝落

創迴谷溝上有橋金僧才公建在州東北三十五里

趙寧岡在栢森村起伏盤踞如龍相傳宋趙寧鑿岡深一丈二尺見七蘆根血流入河云

孫家溝 草廠溝 苦水溝 胥在城內

西莊溝 狄家溝 胥在州北三十里

東溝水在東城下出岔道村後至東關入河

楊家泉在東坡下平地噴湧

老鴉泉在東門外東溝水出石峽

康家灘在州東五里

石板溝在州東五里

郭家灘在州東十里有堰

張家灘水在州東十里河沒

熱窩河溝在州東十五里

腰莊水在州東二十五里由郭家灘入河

蘆子溝水在州東三十里由張家灘入河

雙井在州東六十里

朱家川在州東六十里發源寧化山南流遶王家寨轉而西至石窰鋪過橋頭村下流磧由花園村入黃河

龍潭在州東七十里窩弓村

濟道溝在州東南二十里

峽查溝在州東南三十里

王湖渠在州東南三十里

赤泥溝在州東南五十里

南溝井在南門外有二水繇峽出

深溝水在州南三十里

四井潭在州南四十里山下四井色黝有魚

臥龍池在州南四十里石窟水恒清澈雖暴雨不汨下有蛟龍潛焉

石堂水在州南四十里由韓家川入河

龍池在州南五十里石澗中周十丈有奇禱雨輒應

鵝前塔溝在州南五十里

土門溝水在州南六十里由林遮峪入河

扒樓溝水在州南八十里由神山入河石燕出此青元大小不一頭項羽毛胥具

寺河塔溝在州南九十里

鴨頭川卽馮家川在州南九十里水由東南流入黃河

號風溝在州西南六十里有石竅炎暑寒風

山西通志 卷二十一  
神池在州西南八十里

西溝井在西門外水恒清

西溝水在西城下出峯子嶺由下園頭入河

馬家灘在州西二里

王家灘在州西三里

煤灰溝在王家灘

張家谷沱在州西六里 以上明萬歷間多沒於河今漸復

石梯灘水在州東北二十里一名楊家灘

臥龍溝在州東北三十里出臥龍石

朱家川晁端稟鷹窩嶺橋記定羌南二十里有峻嶺焉蓋卽

所謂鷹窩嶺也嶺下大澗源甚遠傳曰自寧化雪山神谷

掌流入邊地在朔州之西神武會谷之東

溫泉在石梯山側甘溫清白轉壑飛流自高地峻曲折逶迤  
三十里轉至峽口三壺入河溝口上下諸泉胥湧珠噴  
玉

河曲縣

火山在縣西七里高一里盤踞二里山上有孔以草投其中  
烟焰上發可熟食草木胥不生上有礪砂窟下有氣沙窟  
黃河經其下似遇覆釜而河爲之曲山後有大石有禹廟  
水不能浸宋名火山軍以此金志河曲有火山黃河  
鵬黃崖在縣東十里宋元祐七年石刻曰昔有一鵬鳥于此  
爲窠故名

強梁山在縣東南三十里高一里盤踞一里

杜家山在縣東南四十里

山西通志 卷二十一  
望羊山在縣東南六十里高一里盤踞一里

葫蘆山在縣東南九十里

鐘山 鼓山胥在城南大澗河濱 二山形似鐘鼓水經其

下有噌吰聲

尖山在縣南三十里高一里盤踞三里峯似筍

翠峯山在縣南八十里遶高二十里綿亘六十五里形如覆

斗羣峰拱峙

石洞二一在縣西五里王翼莊可容千人一在縣東九十里

吳峪村高一丈六尺廣二丈深三丈有奇

韓家嶺在縣西北四十里

赤崖在縣西北四十里卽河會村古名赤崖村土色胥赤窰

窰數十胥險要上胥屹屹蚌腐甲豈龍門未鑿河嘗經山麓

耶

黃巍梁在縣北四十里高埒翠峯可二里盤踞三里

虎頭巖明副總兵艾萬年疏設伏河曲有馬鎮虎頭巖石臺

山西川之捷

石臺山

黃河在縣西五里東北自古東勝州境轉而西流八十里至平泉村復轉西流九十里至天橋子南流經保德興臨永寧寧鄉石樓永和大寧吉鄉寧河津榮河永濟諸州縣東折經芮城平陸垣曲諸縣入河南澠池濟源縣界至孟津其在永濟城西爲河瀆祠禹平水土分九州其一爲冀今之山西河朔直隸皆其疆域三面皆河東北阻陰山一帶故河折而南流爲冀西河至華陽折而東流爲冀南河

至大伾折而北流爲冀東河 元志臨川朱思本曰自洮  
與河合又東北流過達達地各八百餘里過豐州西受降  
城折而正東流過達達地古天德軍中受降城東受降城  
凡七百餘里折而正南流過大同路雲內州東勝州與黑  
河合 古傳禹跡旁有禹廟土人言河中花木兩岸橫亘  
有道可涉其說似幻然黃河入河曲境東北由偏關來西  
由府谷北境來中間石壁剝削河出其間胥似斧鑿謂之  
禹跡也信然 龍口在縣北九十里黃河西岸大同紀形  
似龍口聲似雷鳴一名崖門土人名龍門 河曲黃河東  
北二十五里有棘峪灘西北三十里有五門灘七十里  
有棘鍼韭菜二灘八十里有王鍼榆樹二灘九十里有太子  
娘娘二灘夏秋多鳧雁相傳薄太后漢文帝至此居民時

得古瓦有萬歲富貴字可作硯

平泉在縣西北八十里平地湧出蓄石曰之半汲之不縮不汲不盈流三里入黃河

石井在縣東一里廟溝崖下泉迸石出冽而甘

葬溝在縣東一里

石佛河在縣東南九十里接岢嵐長流溝西經保德入黃河  
五井在南城內五方相綴形若梅花一名梅花水

井浴溝在縣南一里

大澗河在縣南一里源出朔州西流七十里入黃河

沙泉河在縣南六十里源出鎮西衛五所嶂經縣境至保德

入黃河

倒廻溝在縣西南二十五里保德境溝上有橋 天橋東北

至縣城路尤險

大澗水在縣西百步源出朔州西北西流七里入黃河

龍門溝在縣西一里諺曰河曲縣保德州十里路九條溝  
水井泉在縣西北十里泉出崖下冬溫夏寒志名凝碧泉  
得馬水在縣西北四十里西流入黃河相傳尉遲敬德得馬  
於此

鎮口河在縣西北四十五里南流入黃河

白鹿泉在縣北六十里不冰

榆泉在縣東北三十里

賈胡疇泉賈胡疇有泉遼人常越界而汲火山軍巡檢何遷  
請申畫界堠遏其來致忿而舉兵灌迎高射之發輒中或  
著崖石皆沒鏃敵驚以爲神遂巡歛去後三十年遼蕭太